

❖ ❖ ❖ ❖ ❖ ❖ ❖ ❖

በስመ፡ እግዚአብሔር፡ መሐሪ፡ ወ
መስተሣህል፡ ወቦቱ፡ ረድኤትነ፡
ንቀድም፡ በረድኤት፡ እግዚአብሔር፡
ወስነ፡ ስርሐቱ፡ በጽሑፈ፡ ዜና፡ ዘት
በቅዱስ፡ ለነፍስ፡ ወለሥጋ፡ ዘአምጽ
ዕዋ፡ እምሀገረ፡ ህንድ፡ እስከ፡ ቤተ፡
መቅደስ፡ ወጸሐፋ፡ ሄመነኮስ፡ ቅዱስ፡
ዘእምጌቴሴማኒ፡ ዘስሙ፡ ዮሐንስ፡
በረከተ፡ ጸሎቱ፡ ወትንብል፡ ናሁ፡ ተሃ
ሉ፡ ምስለ፡ ፍቁሩ፡ ቴዎድሮስ፡ ለዓለ
መ፡ ዓለም፡ አሜን፡ ይቤ፡ ሐዋርያ፡ ወ
ንጌላዊ፡ እስመ፡ ኩሎሙ፡ እለ፡ ይገብ
ሩ፡ ግብረ፡ መንፈስ፡ ቅዱስ፡ እሙንቱ፡
ውሉደ፡ እግዚአብሔር፡ ወቅዱሳን
ስ፡ እለ፡ ደለዎሙ፡ ረኪበ፡ ምግባረ፡ ት
ሩፋት፡ ይእቲ፡ ጸጋ፡ እንተ፡ መልዕ
ልተ፡ ጠባይዕ፡ ወፍጻሜ፡ መፍትዳት፡
እስመቦ፡ እምኔሆሙ፡ እለ፡ ኮኑ፡ ስም
ዓ፡ በብዙኅ፡ ተጋድሎ፡ ወተቃተልዋ፡
ሰኃጢአት፡ እስከ፡ ለደም፡ ወተበአ
ስዋ፡ ወቦ፡ እምኔሆሙ፡ እለ፡ ተጋደሉ፡
በረኃብ፡ ወጽሙና፡ እንዘ፡ የሐውሩ፡

❖ ❖ ❖ ❖ ❖ ❖ ❖ ❖

ውስተ፡ ፀባብ፡ አንቀጽ፡ ወኮኑ፡ ሰማ
ዕተ፡ በሥምረተ፡ ርእሶሙ፡ ንዌት
ን፡ ይእዜ፡ ነገረ፡ ዜና፡ መዊአቶሙ፡
ወጥብዓተ፡ ልቦሙ፡ ለእሙንቱ፡ እ
ለ፡ ተበውሑ፡ ለክዊነ፡ ስምዕ፡ በክዒ
ወ፡ ደሞሙ፡ ወእለ፡ ተመሰሉ፡ በሕ
ይወት፡ መላእክተ፡ በጽሙናሆሙ፡
ወኮንዎሙ፡ ምሳሌ፡ ለትውልድ፡ እለ፡
ይወርሱ፡ እምድጎሬሆሙ፡ ወም
ሳሌስ፡ ዘነሥእዎ፡ እምሕዋርያት፡
አርአያ፡ ክርስቶስ፡ ውእቱ፡ እለ፡ ነበ
ቡ፡ በመንፈስ፡ ቅዱስ፡ ወእምአበው፡
ብፁዓን፡ ዘአስተናበርዎ፡ ለመድኃ
ኒተ፡ ዘመድነ፡ እስመ፡ ፍኖት፡ እንተ፡
ትወስድ፡ ኅበ፡ ትሩፋት፡ ጐጸጐጽ፡
ይእቲ፡ ዘኢያንሶስው፡ ውስቴታ፡ ወ
ልዕልት፡ ይእቲ፡ ዘኢይከይድዋ፡ ወፈ
ድፋደስ፡ ዕፅብት፡ ይእቲ፡ ላዕለ፡ እስ፡

ኢትወከሉ፡ በእግዚአብሔር፡ በኩ
ሉ፡ ልቦሙ፡ ወባሕጡ፡ እምቅድመ፡
ይትቃተሉ፡ ምስለ፡ ጽንዓ፡ ሕማማ
ት፤ ይደልዎሙ፡ በእንተዝ፡ ጊዜ፡ ሰ

ሚያቶሙ፡ ኪያሃ፤ ይሕትቱ፡ ዜና፡ ሐ
ረቶሙ፡ ለእለ፡ ሐሩ፡ በዛቲ፡ ፍኖት፡
ዘእንበለ፡ ጎዘን፤ ወአኮ፡ ከመ፡ ይጎ
ሥሡ፡ ሐረቶሙ፡ ለእለ፡ ቀብ፡
ተስፋሆሙ፤ እስመ፡ ዕፀበ፡ ፍኖታ፡
ተሊል፡ ወፍሥሐ፡ ለዘይነግድ፡ በሐ
ዊር፡ ውስተ፡ ፍኖት፡ ዕፅብት፡ ወጽ
ዕቅት፡ ለእመ፡ ረከበ፡ ዘያጠብዖ፡ ወ
ያነቅሆ፡ በቃለ፡ ምህሮ፡ እንዳዲ፡ ከ
መ፡ ይብቋዕ፡ ቦቱ፤ እስመ፡ ቀሊል፡ ው
እቱ፡ ዘየአክሎ፡ ለእንቅሐተ፡ ዝንቱ፤
ወእመ፡ ርእዮሙ፡ ለብዙኃን፡ ዘናሁ፡
ነገዱ፡ ወበጽሑ፡ ጎበ፡ ዘይሴኒ፡ ፍድፋ
ዲ፡ ብዕል፤ አሜሃ፡ ይጠብዕ፡ ውእቱ፡
በሐዊር፤ ወሊተሰ፡ አጽሐቀኒ፡ ዝን
ቱ፡ ምክር፤ ወሆከኒ፡ ካዕበ፡ በዝን
ቱ፡ ካልእ፡ ግብር፡ እስመ፡ አነ፡ ነጻርኩ፡
ኃጉሎ፡ በገብር፡ ዘነሥኦ፡ መክሊተ፡
እግዚአ፡ ወደፈና፡ ውስተ፡ ምድር፡
ሰበ፡ ወሀቦ፡ ከመ፡ ያርብህ፡ ኪያሃ፡ ወ
ኅብአ፡ ውስተ፡ ምድር፡ ዘእንበለ፡ ነ
ጊድ፡ ወአስተራብሐ፤

ናሁኬ፡ በጽሐኒ፡ ቃለ፡ ዜና፡ ክቡር፡ ወ
በቋዲ፡ ሰነፍስ፡ ወለሥጋ፡ ወኢያረም
ም፡ በእንተ፡ አግህዶቱ፡ ዚነወኒ፡ ዕደ
ው፡ ብዑላን፡ ዘሀገረ፡ ህንደኬ፤ ወተር
ጐሙም፡ ሊተ፡ ተዝካረ፡ ጎቡእ፡ ወእመ
ነ፡ እስመ፡ ሀገረ፡ ህንድ፡ ርኅትት፡ እ
ምድረ፡ ግብጽ፡ ፡ ወዓባይ፡ ጥቀ፡ ወብ
ዙኃን፡ ሰብአ፡ ዚአሃ፡ ወየዓውድዋ፡ አ
ብርህት፡ ወልጐታት፤ ወየሐውሩ፡ ጎ
ቤሃ፡ በአሕማር፡ ወምብሔረ፡ ግብጽ፡
ወእመንገለ፡ የብስ፡ ቅርብት፡ ይእቲ፡
እምአድያመ፡ አገም፡ ወፋርስ፡ ወለ

እሎን፡ አኅጉር፡ ነበሩ፡ ቀዲሙ፡ ሰብአ፡
ዚአሆን፡ በፍቅር፡ አምምልኮ፡ ጣዖታት፡
ወሙሱን፡ ጥቀ፡ ሕይወቶሙ፤ ወፈድሩ
ደሰ፡ ኢይትዓወቅ፡ ንባቦሙ። ወሶበ፡ ፈ
ቀደ፡ ወልደ፡ እግዚአብሔር፡ ዋሕድ፡ ዘ
ሀሎ፡ ውስተ፡ ሕፅነ፡ አቡሁ፡ መድኃኒቶ
ሙ፡ ለእለ፡ ይነብሩ፡ በእማንቱ፡ አህጉ
ር፡ ወሠምረ፡ ከመ፡ ኢይትዓገሥ፡ ነጽ
ሮተ፡ ፍጥረታቲሁ፡ እንዘ፡ ይትቀነዩ፡
ለኃጢአት። ወበእንተዝ፡ ተራኅርኃ፡
በርኅራኄሁ፡ ዘልማድ፡ ወአስተርአየ፡

ስነ፡ በአምሳለ፡ ዚአነ፡ ዘእንበለ፡ ኃጢ
አት፡ ባሕቲታ፡ እንዘ፡ ኢየዓርቅ፡ እመ
ንበረ፡ አቡሁ፡ ወኃደረ፡ ውስተ፡ ከርሠ፡
ድንግል፡ ንጽሕት፡ **ማርያም፡ ማሪሃ**
ም፡ በእንቲአነ፡ ከመ፡ ያኅድረነ፡ ስነኒ፡
ውስተ፡ ሰማያት፡ ወያድኅነነ፡ እምኃ
ጢአት፡ ወንትመጠው፡ ወልድና፡ አም
ላካዊተ **❖** ወፈጸመ፡ በኪነ፡ ጥበቡ፡ ከ
ሎ፡ ድካመ፡ ሥጋ፡ በእንቲአነ **፤** ወተወክ
ፈ፡ ተሰቅሎ፡ ወመዊተ **❖** ወረሰዮሙ፡
ለምድራውያን፡ ይትወሐዱ፡ ምስለ፡ ሰ
ማያውያን፡ ተዋሕዶተ፡ ዘኢይትነገር፡
ወተንሥእ፡ እሙታን **፤** ወዓርገ፡ በስብሐ
ቲሁ፡ ውስተ፡ ሰማይት **፤** ወነበረ፡ በየማ
ነ፡ አቡሁ **❖** ወፈነወ፡ መንፈሶ፡ ናዛዚ፡ በ
አምሳለ፡ ልሳናተ፡ እሳት፡ ኅበ፡ እሊዓሁ፡
ወሰብአ፡ ምሥጢሩ፡ በከመ፡ አሰፈዎ
ሙ። ወፈነዎሙ፡ ኅበ፡ ከሎ፡ አሕዛብ፡
ከመ፡ ያብርሁ፡ በብርሃኖሙ፡ ለእለ፡ ይ
ነበሩ፡ ውስተ፡ ጽልመተ፡ ዕበድ **❖** ወያጥ
ምቅዎሙ፡ በስመ፡ አብ፡ ወወልድ፡ ወ
መንፈስ፡ ቅዱስ፡ ቦእምኒሆሙ፡ እለ፡
ወፅአ፡ ዕፃሆሙ፡ ኅበ፡ ምሥራቅ፡ ወ

ቦ፡ እለ፡ ተፈነዉ፡ ውስተ፡ ምዕራብ **❖**
ወቦ፡ እለ፡ ኮኑ፡ የዓውዱ፡ ኅበ፡ አድያ
መ፡ ዓዜብ፡ ወመስዕ፡ ወኸሎሙ፡ ፍ
ጹማን፡ ምግባር **❖** አሜሃ፡ ተፈነወ፡
ኅበ፡ ሀገር፡ ህንደኬ፡ ቶማስ፡ ዓቢየ፡
ቅድስና፡ **፤** እማኅበረ፡ **፤** ወ፪አርድእ
ት **❖** ወሰበከ፡ ሎሙ፡ ስብከተ፡ መድ
ኃኒት **❖** ው፡ አጠየቆሙ፡ ቃለ፡ ትእም

ርታት፡ እለ፡ ይታለዋ፡ ከመ፡ እማንቱ፡
ናሁ፡ ተፈጸማ፡ ወጽልመተ፡ አምልኮ፡
ጣዖታት፡ ናሁ፡ ተአተተ፡ ከመ፡ ወኢ
ምንት፤ ወተደምሰስ፡ ወአሕደጋ፡ ቶ
ማስ፡ ለሀገር፡ ሠዊዓ፡ ለግልፍዋት፤
ወሜጦሙ፡ ለሰብአ፡ ዜእሃ፡ እምስሕ
ተት፡ ወተቀደስት፡ ሀገር፡ እምስሕ
ተት፡ ወተቀደስት፡ ሀገር፡ ወድኅነት፤
ወጸንሁ፡ በሃይማኖት፡ እንተ፡ አልባቲ፡
ጉህሉት፡ ወሶበ፡ ተፈጥሩ፡ ዳግመ፡ በ
እድ፡ ሐዋርያዊት፡ በነሚአ፡ ልብሰ፡ ጥ
ምቀት፡ ተስምዩ፡ ይእተ፡ ጊዜ፡ በስመ፡
ክርስቶስ፤ ወበዝኑ፡ በኩለሄ፡ ወልህ
ቁ፡ በሃይማኖት፡ ፍጽምት፡ ወተሐ
ንጸ፡ አብያተ፡ ክርስቲያናት፡ ዓበይት፡
ብዙኃት፡ ወሶበ፡ ተወጥነ፡ ሥርዓተ፡

ምኔታት፡ በምድረ፡ ግብጽ፡ ወተጋ
ብኡ፡ በውስቴቶን፡ ጉባኤ፡ መነኮ
ስት፡ እለ፡ ይመስሉ፡ መላእክተ፡ በ
ግዕዝሙ፤ ወተስምዓ፡ ዜናሆሙ፡ ወ
በጽሐ፡ እስከ፡ አጽናፈ፡ ምድር፡ ወ
በጽሐ፡ ካዕበ፡ ኅበ፡ ሀገረ፡ ህንደኬ፡
ዜና፡ ትጋሆሙ፡ ለእልክቱ፡ መኮሳ
ት፡ እስከ፡ ተመሰሉ፡ እሙንቱሂ፡ በ
ሐረቶሙ፡ ሠናይት፡ ወብዙኃን፡
እምኔሆሙ፡ ኀደጉ፡ ኩሎ፡ ወኃደሩ፡
ውስተ፡ ገዳማት፤ ወአጥረዩ፡ በሥጋ
ሆሙ፡ መዋቲ፡ አርአያሆሙ፡ ለእለ፡
አልበሙ፡ ሥጋ፡ ወሶበ፡ ፈድፈደ፡ ከ
መዝ፡ ስነ፡ ምግባሮሙ፡ ጥቀ፡ ብዙኃ
ን፡ እምኔሆሙ፡ ይሰርሩ፡ በአክናፈ፡
ወርቅ፡ እስከ፡ ሰማይ፡ በከመ፡ ተብህለ፤
ወበውእቱ፡ መዋዕል፡ ኀግሠ፡ ላዕለ፡
ሀገር፡ ንጉሥ፡ ዘስሙ፡ ወዳ፡ ሳለ፤ ዘብ
ዙኅ፡ ብዕሉ፡ ወጽኑዕ፡ በኃይሉ፡ ወሞ
አሙ፡ ለኩሎሙ፡ መስተቃርናኒሁ፤
ወኮነ፡ መዋዕ፡ በውስተ፡ ፀብዕ፡ ወ
ሠናይ፡ መልክዓ፡ ገጹ፡ ወስቡሕ፡ ወ
ግሩም፡ አካለ፡ ቆሙ፡ ወምኩሕ፡ ው

እቱ፡ በኩሉ፡ ጥሪተ፡ ዝንቱ፡ ዓለም፡ ኃ
ላፈ፡ ወውዱስ፡ ወበነፍሱስ፡ ኮነ፡ ይሄ
ሊ፡ ፍጻሜ፡ ድካም፡ ወብዙኅ፡ እከያተ፤

ወፍጥረቱኒ፡ ኮነ፡ እምሕዝብ፡ ዮናና
 ውያን❖ ወኮነ፡ ያከርብሮሙ፡ ጥቀ፡ ለአጋ
 ንንት፡ ዘየሐይጥዎ፡ በአምልኮ፡ ጣዖታ
 ት፡ እለ፡ ያመልኮሙ፡ ወያጸምዕ፡ ኪያ
 ሆሙ❖ ወኮነ፡ ዝንቱ፡ ንጉሥ፡ የሐዩ፡ በ
 ብዝኃ፡ ተድላ፡ ወአስተጋብኦ፡ ሰብእ፡
 ወተፈጣዖ፡ በፍትወታት፡ ወተላህዮ፡
 ዘዝንቱ፡ ዓለም፡ ወኢየሳታእ፡ ምንተ
 ኒ፡ እምፈቃደ፡ ልቡ፡ ወፍትወታቲሁ❖
 ወአልቦ፡ ዘይከልኦ፡ እምእሱ፡ ምግባራ
 ት፡ ወኢዘያቴክዛ፡ ለነፍሱ፡ ዘእንበለ፡
 ፩ምግባር፡ ዘውእቱ፡ ኃጢአ፡ ውሉድ፡
 እስመ፡ አልቦቱ፡ ግሙራ፡ ፩ወልድ❖ ወኮ
 ነ፡ ያስተሐምም፡ ፍጹመ፡ ከመ፡ ይትፋታ
 ሕ፡ እምኔሁ፡ ዝንቱ፡ ማእሰር፡ ወይርክ
 ብ፡ ወልደ❖ ወበዝንቱ፡ ኮነ፡ ይሁብ፡ አም
 ኃ፡ ወምጽዋተ፡ ብዙኃ፡ ወከመዝ፡ ኮነ፡
 ፈቃዱ፡ ለንጉሥ❖ ❖ ❖
 ወዘመደ፡ ክርስቲያንሰ፡ ሰባስያነ፡ ምክ
 ህ፡ ኢየሐስብዎሙ፡ ምንተኒ፡ ለአማል

ክተ፡ ንጉሥ፡ ወኢያፈርሆሙ፡ ግሙራ፡
 ትግምርተ፡ ዚአሁ❖ አላ፡ ይፌስይዎ፡ ለ
 ግልፎ፡ ምኑነ፡ ወምሱጥ፡ ልቦሙ፡ ወት
 ረ፡ ኅበ፡ ፍቅረ፡ እግዚአብሔር❖ ወበ
 እንተ፡ ዝንቱ፡ መነኩ፡ እለ፡ ኃረዩ፡ መዓ
 ርገ፡ ምንኩስና፡ ኩሎ፡ መፍቅዳተ፡ እለ፡
 በዝየ፡ እስከ፡ ለምት፡ በእንተ፡ ክርስቶ
 ስ፡ እግዚእነ❖ ወስቁል፡ ልቦሙ፡ ኅበ፡ ሀ
 ብታት፡ እለ፡ በህየ፡ ወኮነ፡ ያፈቅርዎ፡
 ለስመ፡ ክርስቶስ፡ መድኃኒነ፡ ዘእንበ
 ለ፡ ፍርሃት፡ ወድንጋፊ፡ እስከ፡ ለመጥ
 ዎ፡ ነፍሶሙሂ፡ ጥቀ፡ ፯ ወአልቦ፡ ምንትኒ፡
 ውስተ፡ አፉሆሙ፡ ዘእንበለ፡ ዘክሮተ፡
 ስሙ፡ ለክርስቶስ፡ ገሃደ፡ በቅድመ፡ ኩ
 ሉ፡ ድኩማነ፡ ጠባይዕ፡ እለ፡ ሀለው፡ ዘ
 ፍጡነ፡ ይጠፍኡ❖ በንተ፡ ተስፋ፡ ሕ
 ይወት፡ ዘትመጽእ፡ እንተ፡ አልባቲ፡ ማ
 ኅለቅት፡ በከመ፡ ተብህለ፡ ከመ፡ እሙ
 ንቱ፡ መነኩ፡ ንዋየ፡ ወበፅዑ፡ ከመ፡ ይኩ
 ኑ፡ በአማን፡ ውሉደ፡ እግዚአብሔር፡
 ልዑል፡ ወይረክቡ፡ ሕይወተ፡ በክርስቶስ፡
 እግዚእነ❖ ወበዝንቱ፡ ኮነ፡ ብዙኃን፡
 ይበርሁ፡ በዛቲ፡ ትምህሮ፡ ክብርት፡

ወይትመየቱ፡ እመራር፡ ስሕጠት፡ ጎ
በ፡ ጥዑም፡ ብርሃን፡ ወይፈደፍዱ፡ እ
ስከ፡ ብዙኃን፡ እምክቡራን፡ ወመማ
ክርተ፡ ንጉሥ፡ ኃደጉ፡ ኩሎ፡ ዓለመ፡
ወኮኑ፡ ባሕታውያን፡ ወሶበ፡ ስምዓ፡
ንጉሥ፡ ዘንተ፡ መልእ፡ መዓት፡ ፈድ
ፋደ፡ ወነደ፡ ቈጥዓኑ፡ ወአዘዘ፡ በጊዜ
ሃ፡ ትእዛዘ፡ እምኅቤሁ፡ ከመ፡ ይገብር
ዎሙ፡ ለክርስቲያን፡ ይክህዱ፡ ሃይማ
ኖተ፡ ርትዕተ፡ ወከመ፡ ያስተዳልው፡
መባዕላተ፡ ኩነኔ፡ ወሥቃያተ፡ ዕፁባ
ተ፡ ወፈነወ፡ መሳሕፍተ፡ ጎበ፡ ኩሎን፡
አህጉር፡ እለ፡ ታሕተ፡ መንግሥቱ፡ ወ
ጎበ፡ ኩሎሙ፡ ሊቃናት፡ ወመኳንን
ት፡ ከመ፡ ይኩንንዎሙ፡ ወይቅትል
ዎሙ፡ በልሐ፡ ሰይፍ፡ ለእለ፡ የአም
ኑ፡ በክርስቶስ፡ ወፈድፋደስ፡ ለኅሩያ
ን፡ ወለባሕጣውያን፡ ጉባኤ፡ መነኮሳት፡
ወተሀውከ፡ በእንተ፡ ዝንቱ፡ ሕሊናሆ
ሙ፡ ብዙኃን፡ እመሃይምናን፡ ወለካ
ል፡ አንሰ፡ ኢተክህሎሙ፡ ተዓግሶ፡ ሥ
ቃያተ፡ ወተአዘዘ፡ ለትእዛዙ፡ ዘኩ
ለንታሁ፡ ጽልመት፡ ወሊቃናትስ፡ ወ

ዓበይት፡ ወጾታ፡ መነኮሳት፡ በእምኔሆሙ፡
ዘመነኑ፡ ትእዛዙሙ፡ ወተዓገሥዎ፡ ለሞት፡
በከዊነ፡ ስምዕ፡ ወረከቡ፡ ብዕዓነ፡ ዘ
ኢየሁዳፍ፡ ወቦ፡ እምኔሆሙ፡ እለ፡ ተ
ኃብኡ፡ እምነ፡ ገጹ፡ ውስተ፡ አድባራት፡
ወገዳማት፡ ወግበበ፡ ምድር፡ አኮ፡ ፈ
ሪሆሙ፡ እምኩነኔሁ፡ አላ፡ በጥበብ፡ አ
ምላካዊ፡ ወሶበ፡ ስፈነት፡ ዛቲ፡ ጽልመ
ት፡ እንተ፡ አልባቲ፡ ፍሬ፡ ላዕለ፡ ሀገረ፡
ህንደኬ፡ ነበሩ፡ መሃይምናን፡ እንዘ፡ ይ
ሰደዱ፡ እምኩለሄ፡ ወይትገፍዑ፡ ወ
ካህናቲሆሙ፡ ለከሃድያን፡ ይትፌግ
ዑ፡ በደመ፡ መሥዋዕቶሙ፡ ወበጢስ፡
ዚእሃ፡ ጸልመ፡ አየር፡ እምርኩሶሙ፡
ወሶበ፡ ስምዓ፡ በእላንቱ፡ ምግባራት፡
፩እምዓበይተ፡ ንጉሥ፡ ዘክቡር፡ በኅ
ቤሁ፡ ወይትሌዓል፡ እምኩሎሙ፡ በ
ገቢረ፡ ፍትሕ፡ ወመዊዕ፡ ወበዕበይ፡
ወስን፡ ወጽንዓ፡ ሃይማኖት፡ ወሶበ፡ በ

ጽሐ፡ ዘኮነ፡ እምነ፡ ክሂድ፡ ወናፍቆ፡ እ
ንዘ፡ ሀሎ፡ ማእከለ፡ ዛቲ፡ ስሕተት፡ በ
ክብር፡ ወተድላ፡ ሕሰው፡ ዘየኃልፍ ፊ ደ
መረ፡ ርእሶ፡ ኅበ፡ መነኮሳት፡ በፈቃዱ፡

ወበምሥረተ፡ ነፍሱ ፊ ወሐረ፡ ኅበ፡ መካነ፡
በድው፡ ተቀንየ፡ ወተጋደለ፡ ገድለ፡ ሠናየ፡
እንዘ፡ ያወትር፡ ጾመ፡ ወጸሎተ፡ በትጋህ፡
ወእንብቦ፡ መጻሕፍት፡ አምላካዊያት፡ አ
ንጺሑ፡ ነፍሱ፡ ወሕሊናቲሁ፡ ልቡናውያ
ተ ፊ ወአድኃነ፡ ርእሶ፡ እምክሉ፡ ትካዛት፡
ወእምክሉ፡ ፍቅረ፡ ሕማማት፡ ወበርሃ፡
በብርሃነ፡ ኃጢአ፡ ሕማማት፡ ዘኃጢአት ፫
እስመ፡ ንጉሥ፡ ኮነ፡ ያፈቅሮ፡ ጥቀ፡ ወያከ
ብሮ ፊ ወሶበ፡ ስምዓ፡ ዘንተ፡ ዜና፡ በእንቲ
አሁ፡ ሐመ፡ ልቡ፡ በእንተ፡ ዘኃጥአ፡ ወነደ፡
መዓቱ፡ ፈድፋድ፡ ላዕለ፡ መነኮሳት ፊ ወፈ
ነወ፡ ይኅሥሥዎ፡ ውስተ፡ ክሉ፡ ገጸ፡ መ
ካን፡ እስመ፡ ውእቱ፡ ናሁ፡ ረሰየ፡ ንብረቶ፡
ውስተ፡ ገዳማት ፊ ወኃሥሥዎ፡ በህየ፡ በ
ንዲው፡ ወአኃዝዎ፡ ወዓቀምዎ፡ ቅድመ፡
መንበረ፡ ንጉሥ፡ እንዘ፡ እሱር፡ ድኅሪተ ፊ
ሶበ፡ ነጻሮ፡ ንጉሥ፡ በዝንቱ፡ ኃሣር፡ ወት
ሕትና፡ ወምናኔ፡ ዘዕፁብ፡ ጥቀ፡ ለዘኮነ፡
ይለብስ፡ አልባስ፡ ምክህ፡ ወስነ፡ ሥርጋዌ ፫
ወለዘኮነ፡ የሐዩ፡ በብዙኅ፡ ትፍግዕት፡ ወ
ተድላ ፊ ከዊኖ፡ ከመዝ፡ ነዳየ፡ በዕፁብ፡
ንዴት፡ ዘጽሙና፡ ወተጽናስኒ፡ ዘሀለወ፡

ቦቱ፡ ይትዓወት፡ በትምእርተ፡ ገጹ ፊ ወ
መልአ፡ ውስተ፡ ልቡ፡ ለንጉሥ፡ እምዝን
ቱ፡ ኅዘን፡ ወቅጥዓ፡ ኅቡረ፡ ወተመሐዙ፡
በቃል፡ በበይናቲሆሙ ፊ ወይቤሎ፡ ንጉ
ሥ፡ አኅጡአ፡ አእምሮ፡ ወእኩየ፡ ግዕዝ፡
ወተጠባቢ፡ ለነገረ፡ እከይ፡ ወተምህሮ፡
ምንተ፡ እንከ፡ ፈቂደከ፡ ሜጥካ፡ ለክብ
ር፡ ኅበ፡ ኃሣር፡ ወለዕበይ፡ ኅበ፡ ዝንቱ፡ አ
ርአያ፡ ሕሱም፡ እስመ፡ አንተ፡ ነበርከ፡ ሊ
ቀ፡ በውስተ፡ መንግሥትየ፡ ወሊቀ፡ ሐራ፡
ዘኃይላትየ ፊ ወናሁ፡ ይእዜ፡ ረሰይከ፡ ርእ
ስከ፡ መርገመ፡ ለሕፃናት፡ ወኢመሐኮ
ሙ፡ ለውሉድከ ፊ ወአምስልኮ፡ ለብዕ
ል፡ ወለክሉ፡ ክብረ፡ አእምሮ፡ ከመ፡ ወ
ኢምንት፡ ወኃረይከ፡ ለርእስከ፡ ዘንተ፡

ኃሳረ ❖ ወቦኑ፡ ምንተ፡ ይከውን፡ ደኃሪ
ትክ፡ ወበምንት፡ ተዓርፍ፡ እምዝንቱ፤
እስመ፡ አንተ፡ ተሀበልክ፡ ላዕለ፡ ኩሉ፡
አማልክት፡ ወሰብእ፡ በአክብሮትክ፡
ለዘይብልዎ፡ ኢየሱስ ❖ ወኃረይካ፡ ለዛ
ቲ፡ ሕይወት፡ ዕፅብት፡ ፍኖተ፡ ጎርትም
ና፡ እምነ፡ ተድላ፡ ወፍግዓ፡ በተሴስዮ፡
ሠናያት፡ ጥዑማት፡ ወክቡራት ❖ ወሶ

በ፡ ስምዓ፡ ዘንተ፡ ንባበ፡ ብእሲ፡ እግዚ
አብሔር፡ ልዑል፤ አውሥእ፡ በቃለ፡ ጥ
በብ፡ ወኅድአት፡ ወየውሀት ❖ ወከመ
ዝ፡ ይቤሉ፡ እመሰ፡ ከመዝ፡ አንጉሥ፡
ትፈቅድ፡ ትትዋሳዕ፡ ምስሌየ፡ በነገር፡
ሰድዶሙ፡ ለኩሉ፡ ፀር፡ እለ፡ ሀለው፡
በውሣጤክ፡ ወይእተ፡ ጊዜ፡ አውሥእ
ከ፡ በእንተ፡ ኩሉ፡ ዘተኃሥሥ፡ እም
ኔየ፡ ጠይቆቶ፡ እስመ፡ እክልቱ፡ ለእ
መ፡ ነበሩ፡ ምስሌክ፡ ኢይትከሀለኒ፡ ከ
መ፡ እትናገር፡ ምስሌክ፡ ፈቃለ ❖ ወእ
ምድኅረ፡ ነገርኩክ፡ ዘንተ፡ ቃልየ፡ ከ
ንነኒ፡ ወግበር፡ ብየ፡ ዘትፈቅድ፡ ወዘ
ይኤድመክ፡ ግበር ❖ እስመ፡ ናሁ፡ ዓለ
ም፡ ተሰቅለ፡ ሊተ፡ ወአነሂ፡ ተሰቀል
ኩ፡ በእንተ፡ ዓለም፡ በከመ፡ ይቤ፡ መ
ምህርየ ❖ ወአውሥእ፡ ንጉሥ፡ ወይ
ቤሉ፡ መኑ፡ እሙንቱ፡ ዘትኤዝዝ፡ አ
ንተ፡ ከመ፡ እሰድዶሙ፡ እምውሣጤ፡
ጽርሕየ ❖ ወአውሥእ፡ ብእሲ፡ አምላ
ክ፡ እንዘ፡ ይብል፡ እሙንቱሰ፡ መዓት፡
ወፍትውት፤ እስመ፡ እምቀዲሙ፡ ተ
ፈነወ፡ እምኅበ፡ እግዚአብሔር፡ ፈ

ጣሬ፡ ኩሉ፡ አድክሞ፡ ጠባይዕ፡ ወእስከ፡
ይእዜ፡ ህልዋን፡ እሙንቱ፤ አኮ፡ ኅበ፡ እ
ለ፡ ሀለው፡ በሥጋ፡ ዘይሜግብ፡ መንፈ
ስ፡ ቅዱስ፡ ውስቴትክሙ፡ አንትሙ፡
እለ፡ አልብክሙ፡ ምንትኒ፡ እለ፡ ኩለ
ንታክሙ፡ ዘሥጋ፡ ዕራቁ፡ ወአልበ፡ ው
ስቴትክሙ፡ ምንትኒ፡ ዘመንፈሰ፤ እ
ሙንቱ፡ ይከውኑክሙ፡ ዕድዋነ፡ ወይ
ገብሩ፡ ብክሙ፡ ግብረ፡ ጸላእት፡ ወአ
ብዳን ❖ እስመ፡ ፍትውት፡ ለእመ፡ ተ
ገብረት፡ ውስቴትክምሙ፡ ታስተናሥ

አ፡ ለአስተጥዕኖ፡ ወለእመ፡ ዓብየት፡
ትውልድ፡ መዓተ፡ አርሕቶሙኬ፡ አ
ንተ፡ ዮም፡ እምኔከ፡ ለእሉ፡ ወንቅረ
ብ፡ ውስተ፡ ዓውደ፡ ምርፋቅ፡ በሰሚ
ዕ፡ በእንተ፡ ፍትሐ፡ ነገር፡ ፍትሐ፡ ከ
ነኔ፡ ወርትዕ፡ ወእምከመ፡ ተአተተ፡
እምውሣጤከ፡ መዓት፡ ወፍትወት፡
ወቦእከ፡ በፈቃድከ፡ ኅበ፡ ጽድቅ፡ ወከ
ነኔ፡ ርትዕ፡ ይእተ፡ ጊዜ፡ እትናገረከ፡
አነ፡ በእንተ፡ ከሉ፡ ወአውሥኦ፡ ንጉ
ሥ፡ በእንተ፡ ውእቱ፡ ወይቤሎ፡ ተና
ገር፡ ዘእንበለ፡ ፍርሃት፡ እምአይቱ፡

ረከብካ፡ ለዛቲ፡ ተመይኖ፡ እንተ፡ ባቲ፡
ዓቅደምከ፡ አክብሮተ፡ ተስፋ፡ ብጡል፡
እምነ፡ ዘሀሎ፡ ውስተ፡ ዕደዊነ፡ ህልወ።
ወአውሥኦ፡ ብእሴ፡ እግዚአብሔር፡ ወይ
ቤሎ፡ አ፡ ንጉሥ፡ አንሰ፡ ኢየሁድገክመ፡
ለእሉ፡ ኃላፊት፡ ዘእንበለ፡ ከመ፡ እርከቦ
ሙ፡ ለነባርያት፡ ለዓለም፡ ስማዕ፡ እስመ፡
አነ፡ ቀዲሙ፡ ከመ፡ ኮንኩ፡ ሕፃነ፡ ንኡስ፡
ጥቀ፡ ሰማዕኩ፡ ፩ቃለ፡ ሠናየ፡ ወመድኅነ፡
ወመለከኒ፡ ኃይለ፡ ዚአሁ፡ ከለንታየ፡ ወተ
ተክለ፡ ውስተ፡ ልብየ፡ አምሳለ፡ ዘርእ፡ አ
ምላካዊ፡ እስከ፡ ውእቱ፡ አስተርአየ፡ ወሠ
ረፀ፡ ወናሁ፡ አንተ፡ ትሬኢ፡ ፍሬሁ፡ በአዕ
ይንቲከ፡ ወኃይለ፡ ቃልሰ፡ ከመዝ፡ ይእቲ፡
ይእዜ፡ በኅበ፡ ኅጡአነ፡ አእምሮ፡ ያበድሩ፡
ቃለ፡ መንኖቶሙ፡ ለነባርያት፡ ከመ፡ ዘኢ
ሀለዋ፡ ወነሥእዎን፡ ለኃላፍያት፡ ወረስ
ይዎሙ፡ በአምሳለ፡ ነባርያት፡ ወኢይት
ከሃሎ፡ ለማእምር፡ ከመ፡ ይረስዮ፡ ድኩመ፡
ለፍጹመ፡ ኃይል፡ ወዘስ፡ ለበወ፡ ኪያሃ፡ እ
ፎኑ፡ ይሜንና፡ እስመ፡ ለሀላውያት፡ ና
ሁ፡ ሰመዮን፡ መጽሐፍ፡ ነባርያት፡ ዘለዓ
ለም፡ እለ፡ አልቦን፡ ኅልፈት፡ ወለኃላፍያ

ትሰ፡ እለ፡ ይትከዓዋ፡ ከመ፡ ማይ፡ ውእ
ቶን፡ ዕድሜ፡ ዝንቱ፡ መዋዕል፡ ዘአን
ተ፡ ትሬእዮ፡ ወትኩል፡ ውስተ፡ ልብ
ከ፡ ወናሁ፡ ካዕበ፡ አነ፡ ኮንኩ፡ እሬእያ፡
ቃዲሙ፡ ወአበድር፡ ኪያሃ፡ ወባሕቱ፡ ኃ
ይል፡ ይእቲ፡ እንተ፡ ረድአተኒ፡ ሊተ፡ ወ
አንቅሐቶ፡ ለልብየ፡ ዘይመርሐኒ፡ ኅበ፡

ኃርዮቱ፡ ለዘይኔይስ፡ ወይከብር፡ ዳ
እሙ፡ ኮነ፡ ሕገ፡ ኃጢአት፡ ይኔይሎ፡ ለ
ሕገ፡ ልብዩ፡ ወእያስረኒ፡ በመዋቅሕተ፡
ሐዲን፡ ወኮንኩ፡ ሙቁሐ፡ በእንተ፡ አፍ
ቅሮቶሙ፡ ለኃላፊያት፡ የሀቡኒ፡ ዕረ
ፍተ❖ ወሶበ፡ ሐርኩ፡ ሐረተ፡ ሠናይተ፡
ወበቋዲተ፡ ወተመጠቁ፡ በስመ፡ እግዚ
እነ፡ ኢየሱስ፡ ክርስቶስ፡ አምላክነ❖ ው
እተ፡ አሚረ፡ ሥምረ፡ ውእቱ፡ ከመ፡ ይቤ
ዝወኒ፡ እምውእቱ፡ ዪዋዌ፡ ዕፁብ❖ ወ
ሶቤሃ፡ አኅዘ፡ ልብዩ፡ ይማኦ፡ ለሕገ፡ ኃጢ
አት፡ ወከሠቶን፡ ለአዕይንትየ፡ ለፈሲ
ጠ፡ ክቡር፡ እምነ፡ ኅሱር፡ ወአስተሐየጽ
ኩ፡ አሜሃ፡ ወርኢኩ❖ ወናሁ፡ ኩሎሙ፡
እለ፡ አያስተርእዩ፡ ከንቱ፡ በከመ፡ ነገረ፡ ሰ
ሎሞን፡ በውስተ፡ መጻሕፍቲሁ፡ ወይ

እተ፡ ጊዜ፡ ተቀልዓ፡ ግልባቢ፡ ኃጢአት፡
እምልብዩ❖ ወተሠጠ፡ መንጦላዕተ፡
ጽልመት፡ ዘይከድና፡ እልነፍስየ፡ ወተ
አተተ፡ እምየ፡ ስሕተት፡ ሥጋዊ፡ ወአ
እመርክዎ፡ ለዘረክብኩ፡ ኪያሁ❖ ወ
ናሁ፡ ይደልወኒ፡ እሑር፡ ኅበ፡ ፈጣሪ፡
ዘልዑል፡ ስብሐቲሁ፡ በገቢረ፡ ትእዛ
ዛት❖ ወበእንተ፡ ኃደግዎ፡ አነ፡ ለኩሉ፡
ወተለውኩ፡ ኪያሁ❖ አኣኩቶ፡ ለእግ
ዚአብሔር፡ በኢየሱስ፡ ክርስቶስ፡ ዘመ
ርሐኒ፡ ወአድኅነኒ፡ እምእዴሁ፡ ለግዙ
ፈ፡ ልብ፡ ማኅጐሊ፡ መልአከ፡ ጽልመ
ታ፡ ለዛቲ፡ ዓለም፡ ኃለፊት❖ ወአርአየ
ኒ፡ ፍኖተ፡ ጽይኅተ፡ ዘፍጡነ፡ ትትረከ
ብ፡ እንተ፡ ባቲ፡ እትአመን፡ ከመ፡ እኅረ
ይ፡ በዝንቱ፡ ሥጋ፡ ዘይበሊ፡ ኃሣረ፡ በ
እንተ፡ ጥበብ፡ መልአካዊ፡ ዘኃሠሥ
ክዎ፡ ከመ፡ እርከብ፡ ኪያሁ፡ በኃዊረ፡
ፍኖት፡ መቅዓን፡ ወማኅዘኒት❖ ወአ
ብደርክዎሙ፡ ለነባርያት፡ ወመነን
ክዎሙ፡ ለኃላፊያት፡ እለ፡ ሀለዋ፡ ወ
ለተንሥኦታ፡ እንተ፡ አልባቲ፡ ምቅዋ
ም፡ ወለዑደታቲሃ፡ ዘብዙኅ፡ ውሳጤ